

Elim deb, yurtim deb yonib yashash kerak!

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2015-yil 10-yanvar, shanba № 3 (15849)

Vatan — ulugʻ, burchim — muqaddas!

ЖАСОРАТ ВА МАРДЛИК МАДҲИЯСИ

12 январь — «Ватанга қасамёд» монументи очилган кун

Шу кунларда халқимиз, бутун мамлакатимиз байрамлар оғушида яшамокда. Кун кеча катта шоду хуррамлик билан нишонланган Янги йил тантаналари шуқуҳи сўнмай туриб, эл-юртимиз яна бир қутлуг сана — Ватан ҳимоячилари кунини кўтаринки руҳда кутиб олишга ҳозирлик кўрмоқда. Байрам муносабати билан уюштирилган турли маданий-маърифий тадбирларга келаётган юртдошларимиз мамлакатимизда ҳукм сураётган тинчлик-омонлик, бахт-саодат суруридан баҳра олмақда, шу ёруғ, дорилмон ҳаётимиз учун Яратганга шукроналар айтмоқда.

Байрам кунлари турли касб-кор, турфа ёшдаги одамларнинг пойқадами узилмайдиган шундай



маскан борки, бу ерга келган ҳар бир инсон аввало юртимиздаги тинчликнинг нақадар азиз неъмат эканини чуқур англайди, шу

бебаҳо неъмат учун жонини беришга тайёр мард ўғлонлар жасоратига тасаннолар айтади. Садоқат, жасорат ва эзгуликка ун-

довчи бу гўзал маскан — «Ватанга қасамёд» монументидир.

(Давоми 4-саҳифада)

Мудофаа вазирлиги Маънавият ва маърифат марказида «Мардлар кўриқлайди Ватанни!» деб номланган ҳарбий-ватанпарварлик мавзуида кўшиқлар танлови бўлиб ўтди.

Она Ватан, истиқлол Ва тинчлик мадҳи

Мудофаа ва Ички ишлар вазирликлари, Ўзбекистон Бастакорлар, Ёзувчилар уюшмалари, «Ўзбекнаво» эстрада бирлашмаси ҳамда Ўзбекистон мудофаасига кўмаклашувчи «Ватанпарвар» ташкилоти ҳамкорлигида ташкил этилган мазкур танловда ўттиз нафар ҳарбий хизматчи қатнашди. Улар истиқлол, мустақиллик йилларида эришган ютуқларимиз, Ватан, тинчлик, тараққиётни мадҳ этувчи кўшиқларни ўзбек, рус, қорақалпоқ тилларида жонли ижро этди. Кўшиқларнинг ҳарбийлар тилида жаранг сочгани янада ёқимлироқ, ҳаяжонлироқ бўлди.

— Мазкур танлов миллий армиямизни янада мустаҳкамлаш, Қуролли Кучларимиз сафини кенгайтириш, ҳарбийларнинг жанговар салоҳиятини оширишда катта аҳамиятга эга, — дейди майор Василий Абдуллаев. — Шунингдек, посбонларимиз орасидан кўплаб истеъдод эгаларини кашф этишга ҳам қаратилган. Бу мақсадга озми-кўпми эришдик.

Қуролли Кучларимизнинг 23 йиллиги ҳамда Ватан ҳимоячилари кунига бағишланган ҳарбий ватанпарварлик мавзуидаги кўшиқлар танловининг ғолиб ва совриндорларига диплом ҳамда қимматбаҳо совғалар топширилди.

Кумар БЕГНИЯЗОВА,
«Turkiston» мухбири

Ўзбекистон Республикаси Олий Мажлиси Қонунчилик палатаси биринчи мажлисининг очилиши тўғрисида

Ўзбекистон Республикаси Олий Мажлиси Қонунчилик палатасининг биринчи мажлиси 12 январь кун соат 10:00 да Тошкент шаҳрида Ўзбекистон Республикаси Олий Мажлиси Қонунчилик палатаси биносидан очилади.

Ўзбекистон Республикаси Олий Мажлиси Қонунчилик палатаси депутатлари диққатига!

Ўзбекистон Республикаси Олий Мажлиси Қонунчилик палатаси мажлисига келган депутатлар 10-11 январь кунлари соат 9:00 дан 18:00 га қадар Ўзбекистон Республикаси Олий Мажлиси Қонунчилик палатаси биносидан рўйхатга олинади.

Ўзбекистон Республикаси
Марказий сайлов комиссияси

Taraqqiyot

«MAHALLA» — ЯНГИ МАЪРИФИЙ ТЕЛЕРАДИОКАНАЛ

Ўзбекистон миллий телерадиокомпанияси тизимида «Mahalla» маърифий телерадиоканали ташкил этилди. Рақамли телеузатувлар тармоғида янги канал 7 январьдан бошлаб фаолият юритмоқда. У 24 соатли эфир вақти билан таъминланган. «Mahalla» радиоканали эса FM 107.8 тўлқинларида, яъни барчамизга яхши таниш бўлган «Машъал» радиоканали ўрнида ўз эшиттиришларини олиб бормоқда.

(Давоми 3-саҳифада)

Bolalar sporti

ЭЗГУ МАҚСАДЛАР РЎЎБИ

Пойтахтимизда 6 ёшдан 18 ёшгача бўлган 200 мингдан зиёд ўғил-қиз спорт билан мунтазам шуғулланмоқда

Мамлакатимизда ўсиб келаётган ёш авлодни ҳар томонлама соғлом ва баркамол инсонлар қилиб тарбиялаш, уларнинг замон талаблари даражасида таълим-тарбия олиши, саломатлигини мустаҳкамлаши, касб-ҳунар эгаллашига кенг имконият яратишга доимий эътибор қаратиб келинаётир.

Президентимиз Ислам Каримов раҳнамолигида таълим-тарбия соҳасида амалга оширилаётган кенг қўлмали ислохотлар халқимизнинг ҳеч кимдан кам бўлмаган соғлом ва баркамол авлодни вояга етказишдек эзгу мақсадини рўёбга чиқаришда муҳим омил бўлмоқда. Бу жараёнда давлатимиз раҳбари ташаббуси билан ташкил этилган Ўзбекистон Болалар спортини ривожлантириш жамғармаси фаолияти ўғил-қизлар ўртасида соғлом турмуш тарзини тарғиб қилиш, жисмоний тарбия ва спортни кенг оммалаштиришда беқиёс аҳамият касб этаётир.

Жамғарманинг Тошкент шаҳар филиали томонидан таълим масканларида билим олаётган ўқувчиларнинг бўш вақтини мазмунли ташкил этиш, болалар ва ўсмирлар спорт мактабларида спорт

билан мунтазам равишда шуғулланиши учун барча зарур шарт-шароитларни яратиш ҳамда уларни спорт мусобақаларига оммавий тарзда жалб қилиш мақсадида салмоқли ишлар амалга оширилмоқда.

2014 йилда филиал томонидан қатор ташкилотлар билан ҳамкорликда «Соғлом фарзанд — юрт келажаги», «Гимнастика барча учун», «Соғлом аёл — соғлом жамият», «Болалар лигаси», «Баҳор маликалари», «Кувноқ стартлар», оилавий спортни оммалаштириш мақсадида «Отам, онам ва мен — спортчи оила», «Она соғлом бўлса, фарзанд соғлом бўлади», «Куч бирликда» ва «Соғлом юрт, соғлом келажак» каби спорт тадбирлари ва мусобақалар самарали ташкил этилди. Тошкент шаҳар халқ таълими бош бошқармаси томонидан барча умумтаълим мактабларида мавжуд спорт секцияларидан ташқари кўшимча 1 — 4-синф ўқувчилари учун шахмат, шашка, 5 — 9-синф ўқувчилари учун стол тенниси ва бадминтон тўғрақлари ташкил қилиниб, уларга ўқувчи-ёшлар жалб этилди.

(Давоми 3-саҳифада)

Ўзбекистон Республикаси Президентининг
Ф А Р М О Н И

М.Т.Эсановни Бухоро вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Бухоро вилоят Кенгашининг

қарорига мувофиқ:
Муҳиддин Турдиевич Эсанов Бухоро вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 8 январь

Ўзбекистон Республикаси Президентининг
Ф А Р М О Н И

Б.Т.Юсуповни Наманган вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Наманган вилоят Кенгашининг

қарорига мувофиқ:
Баходир Турсунович Юсупов Наманган вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 8 январь

Ўзбекистон Республикаси Президентининг
Ф А Р М О Н И

Т.Н.Мамараймовни Сурхондарё вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Сурхондарё вилоят Кенгаши-

нинг қарорига мувофиқ:
Тоҳимурод Нормуродович Мамараймов Сурхондарё вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 8 январь

Ўзбекистон Республикаси Президентининг
Ф А Р М О Н И

Ш.М.Ганиевни Фарғона вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Фарғона вилоят Кенгашининг

қарорига мувофиқ:
Шухрат Мадаминович Ганиев Фарғона вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 8 январь

Ўзбекистон Республикаси Президентининг
Ф А Р М О Н И

Ш.К.Абдурахмановни Андижон вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Андижон вилоят Кенгашининг

қарорига мувофиқ:
Шухратбек Кушақбаевич Абдурахманов Андижон вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 9 январь

Ўзбекистон Республикаси Президентининг
Ф А Р М О Н И

Э.О.Турдимовни Навоий вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Навоий вилоят Кенгашининг қарорига мувофиқ:
Эркинжон Оқбутаевич Турдимов Навоий вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 9 январь

Ўзбекистон Республикаси Президентининг
Ф А Р М О Н И

О.Ш.Ашурматовни Сирдарё вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Сирдарё вилоят Кенгашининг қарорига мувофиқ:
Ойбек Шодмонкулович Ашурматов Сирдарё вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 9 январь

Ўзбекистон Республикаси Президентининг
Ф А Р М О Н И

З.Ш.Рузиевни Қашқадарё вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Қашқадарё вилоят Кенгашининг

қарорига мувофиқ:
Зафар Шаропович Рузиев Қашқадарё вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 8 январь

Ўзбекистон Республикаси Президентининг
Ф А Р М О Н И

З.Т.Мирзаевни Самарқанд вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Самарқанд вилоят Кенгашининг

қарорига мувофиқ:
Зойир Тоирович Мирзаев Самарқанд вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 8 январь

Ўзбекистон Республикаси Президентининг
Ф А Р М О Н И

А.Т.Усмановни Тошкент вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Тошкент вилоят Кенгашининг

қарорига мувофиқ:
Ахмад Тугилович Усманов Тошкент вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 8 январь

Ўзбекистон Республикаси Президентининг
Ф А Р М О Н И

П.Р.Бобожоновни Хоразм вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Хоразм вилоят Кенгашининг

қарорига мувофиқ:
Пўлат Раззақович Бобожонов Хоразм вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 8 январь

Ўзбекистон Республикаси Президентининг
Ф А Р М О Н И

С.У.Исмаиловни Жиззах вилояти ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Жиззах вилоят Кенгашининг

қарорига мувофиқ:
Сайфиддин Умарович Исмаилов Жиззах вилояти ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 9 январь

Ўзбекистон Республикаси Президентининг
Ф А Р М О Н И

Р.Д.Усмановни Тошкент шаҳар ҳокими лавозимига тайинлаш тўғрисида

Ўзбекистон Республикаси Конституциясининг 93-моддаси 15-банди ва 102-моддаси ҳамда халқ депутатлари Тошкент шаҳар Кенгашининг қарорига мувофиқ:
Раҳманбек Джахангирович Усманов Тошкент шаҳар ҳокими лавозимига тайинлансин.

Ўзбекистон Республикаси
Президенти

И.КАРИМОВ

Тошкент шаҳри,
2015 йил 9 январь

Xabarlar

Самарқандда «Ватан келажиги — сенинг қўлингда!» мавзудаги расмлар танловининг вилоят босқичи бўлиб ўтди. Унда танловнинг туман ва шаҳар босқичида голиб бўлган йигирма нафар ўғил-қиз қатнашди.

ЮРТ ЖАМОЛИ АКС ЭТГАН СУРАТЛАР

Ёш мўйқалам соҳиблари ҳакамларга ижодий ишларини тақдим этгач, табиат кучоғида расмлар чизди. Ранг-баранг бўёқларда ажойиб санъат асарларини яратган иштирокчиларнинг қобилияти муносиб баҳоланди. Юртимиз жамоли ва мамлакатимиздаги бунёдкорликлар тасвирланган расмлар кўпчиликлари манзур бўлди.

Танлов доирасида ёшларнинг расмлар кўргазмаси ҳам ташкил этилди. Унда ўқувчиларнинг «Ватан, сенга ошуфтаман», «Баҳоринг келди», «Бу қўллар» каби энг сара ижодий ишлари намойиш этилди. Кўргазма якунида «Камолот» ЁИХ Самарқанд вилояти кенгаши голибларга диплом ва совғалар топширди.

Жасур РАҲМОНОВ,
«Turkiston» мухбири

ҚИШКИ ТАЪТИЛ МАРОҚЛИ ЎТЯПТИ

Юртимизда мактаб ўқувчиларининг қишки таътили давом этмоқда



Халқ таълими вазирлиги ахборот хизматининг маълумот беришича, таътил пайтида барча умумтаълим мактабларида фан ва хорижий тиллар тўғрисидаги спорт секциялари ишлаб турибди. Машғулотлар бепул олиб борилмоқда.

Ўқувчи-ёшлар бўш вақтини болалар ва ўсмирлар спорт мактаблари ёки «Баркамол авлод» болалар марказларида ҳам мазмунли ўтказиши мумкин. Бундай муассасаларда тўғрақлар узлуксиз фаолият кўрсатяпти.

«Баркамол авлод» марказлари болажонларни турли кўрик-танловлар, маданий-маърифий тадбирлару ижодий лойиҳалар билан ҳам хушнуд этмоқда. Жумладан, «Мароқлидир қишки таътилим!» маданий дастур доирасида «Қиш зийнати либосларда», «Қишки таътилдаги орзуим» каби мавзуларда расмлар кўргазмалари ташкил этилган. Чет тили тўғрақлари

аззолари ўртасида эса «My interesting holiday» номли сўз ўйинлари ўтказилмоқда.

Таътил китоб билан дўст тутишининг айна мавриди. Устига-устак, бу йили китобсевар ёшларни кўплаб қизиқарли танловлар кутяпти. Қишки таътил давомида ҳар бир ўқувчи мактаб ахборот-ресурс марказидан бемалол фойдаланиши мумкин. Энг фаол китобхонлар эса «Қишки таътил китобхони» номинацияси бўйича тақдирланади.

Адабиётга ошно ўқувчилар эътибордан четда қолгани йўқ. Улар учун «Қиш зийнати мадҳ этаман» мавзуда шеърят кечалари ва танловлар ташкил қилинмоқда.

Эслатиб ўтамиз, қишки таътил кунларида умумтаълим мактабларида «Билимлар беллашуви» ҳамда «Умид ниҳоллари» спорт мусобақасининг туман (шаҳар) босқичлари ҳам бўлиб ўтяпти.

Н.БАҲОДИРОВА

«МАНАЛЛА» — ЯНГИ МАЪРИФИЙ ТЕЛЕРАДИОКАНАЛ

(Давоми,
бошланиши 1-саҳифада)

«Mahalla» маърифий телерадиоканали Президентимизнинг 2014 йил 17 декабрдаги махсус қарорига биноан тuzилди. Бу охириги икки йил ичида Миллий телерадиокомпания таркибида асос солинган саккизинчи телерадиоканалдир. Ҳозирда МТРК тизимида ҳаммаси бўлиб 12та марказий телеканал мавжуд. Улар рақамли форматда эфирга узатилмоқда. Шу билан мамлакатимизда рақамли телевидениега ўтишнинг дастлабки муҳим босқичи — «ижтимоий пакет»ни шакллантириш ишлари якунланди.

Бошқача қилиб айтганда, айна дамда юртимиз аҳолиси учун барча марказий телеканалларни стандарт тиниқликда бепул кўриш имконияти яратилган. 2017 йилга келиб республикамиз рақамли телевидениега тўлиқ ўтказилади. Бу борада Алоқа, ахборотлаштириш ва телекоммуникация технологиялари давлат қўмитаси Япония халқаро ҳамкорлик банкининг молиявий кўмағида йирик инвестицион лойиҳани амалга оширмоқда. Лойиҳа доирасида жорий йилда мамлакатимиз ҳудудларида 84та юқори қувватли телеузаткич ўрнатиш кўзда тутилган. Кейинги икки йил давомида узоқ ва борилиши қийин бўлган аҳоли пунктлари яна 400га яқин кам қувватли телеузатиш ускуналари билан таъминланади.

Рақамли формат мутлақо ўзгача техник ва технологик принципларда ишлашни тақозо этади. Бунда медиамаҳсулотларни тайёрлаш, сақлаш ва эфирга узатиш билан боғлиқ

барча жараёнлар телерадиоканаллараро ягона локал тармоққа уланган ўнлаб компьютерлар орқали амалга оширилади ҳамда бошқарилади. Ўзбекистон миллий телерадиокомпаниясида ана шундай мураккаб технологик тизимни жорий этиш бўйича амалий ишлар бошлаб юборилган. Бундай ислохот компанияга қарашли барча телеканаллар фаолиятини жаҳон талаблари асосида ташкил этиш, техник таъминотини юқори даражага етказиш ҳамда рақамли телетармоқдаги позициясини мустаҳкамлашга ёрдам беради.

«Mahalla» маърифий телерадиоканали очилиши муносабати билан ўтказилган брифингда янги телеканалнинг мазмун-моҳияти, аҳамияти билан бир қаторда, юртимизда рақамли телевидениенинг яқин истиқболлари хусусида ҳам сўз юритилди. Тадбирда Ўзбекистон миллий телерадиокомпанияси, марказий телерадиоканаллар, бир қатор давлат ва жамоат ташкилотлари, маҳаллий ва хорижий оммавий ахборот воситалари вакиллари қатнашди.

Таъкидланганидек, «Mahalla» телерадиоканали жамоатчиликни маҳалла институтининг демократик давлат ва фуқаролик жамиятини шакллантириш, ижтимоий масалаларни ҳал этишдаги ўрни ва роли ҳақида кенг хабардор этиш, маҳалланинг ёш авлодни маънавий тарбиялаш, оилавий қадриятларни мустаҳкамлаш, ёш оилаларни қўллаб-қувватлаш, қариялар ва аҳолининг ижтимоий ҳимояга муҳтож қатламига манзилли ёрдам кўрсатиш, турмуш шароитларини яхшилаш,

бандликни таъминлаш, ҳудудларни ободонлаштиришдаги тажрибасини ҳар томонлама ёритишни мақсад қилган. Канал ижодий фаолиятини «Маҳалла» хайрия жамоат фонди билан узвий ҳамкорликда олиб боради.

Янги телерадиоканал мавзу-мундарижасининг маърифий йўналишга қаратилгани бежиз эмас. Зеро, халқимизда маҳалла, аввало, асрий қадрият, таъбир жоиз бўлса, юксак маънавият бешиги сифатида эъзозланади. Дунёнинг бошқа бирор давлатида учрамайдиган мазкур уникал ижтимоий институт замирида мустаҳкам оила, ота-она ва фарзандларга ғамхўрлик, катталарга ҳурмат, кичикларга иззат кўрсатиш, миллатлараро тотувлик, диний бағрикенглик, барча ишларни бамаслаҳат, ҳамжихатликда бажариш каби боқий анъана ва қадриятлар шаклланади, қарор топади. Шу маънода «Mahalla» телерадиоканали зиммасига маҳаллалару маҳалладошларимиз ҳаётини акс эттиришигина эмас, балки ҳозирги таҳликали замонда маънавият ва маърифат тарғиботчиси бўлишдек ўта долзарб ҳамда масъулиятли вазифа юклатилди.

Мамлакатимизда ишлаб чиқиладиган «Кексаларни эъзозлаш йили» Давлат дастурининг мазмун-моҳиятини кенг тарғиб қилиш ҳамда унда белгиланадиган вазифалар ижросини ҳар томонлама ёритиш ҳам бу йилда «Mahalla» телерадиоканали фаолиятининг устувор йўналишларидан бирига айланади.

Наргиза УМАРОВА,
«Turkiston» мухбири

ЭЗГУ МАҚСАДЛАР РЎЎБИ

(Давоми, бошланиши 1-саҳифада)

Бундай кенг имкониятлар ўқувчиларнинг спортга бўлган қизиқишини янада ошириш, уларнинг соғлом, кучли, мард ва қатъиятли бўлиб камолга етишига хизмат қилмоқда, спорт билан шуғулланаётган ёшлар сафи тобора кенгайиб, улар эришаётган ютуқлар салмоғи муттасил ортмоқда.

Буни пойтахтимиздаги 11-болалар ва ўсмирлар спорт мактаби фаолияти мисолида ҳам кўришимиз мумкин. Мазкур мактаб 2013 йилда амалга оширилган капитал реконструкция ишларидан сўнг замонавий қиёфа касб этди. Ушбу муассасада яққаураш спорт турига мўлжалланган иккита зал, ювениш, кийим алмаштириш хоналари, спорт жиҳозлари, тренажёрлар болалар ихтиёрида.

Мактабда ташкил этилган миллий ва белбоғли кураш, турон яққаураши, дзюдо, эркин ва юнон-рум кураши ва таэквондо (WTF) секцияларида 600 нафардан зиёд ўғил-қиз спорт машғулотларига жалб этилган. Бу кўрсаткич 2013 йилга нисбатан 7 фоизга ўсган. Мактаб тарбияланувчилари 2013 йилда мамлакат ва халқаро миқёсдаги мусобақаларда жами 50 медални қўлга киритган бўлса, 2014 йилда бу кўрсаткич 60 дан зиёдни ташкил этди.

— Ўтган йили мактабимизда жисмоний имконияти чекланган болаларни спортга жалб этиш мақсадида махсус бўлим фаолиятини йўлга қўйдик, — дейди мактаб директори Улуф-

бек Раҳмонов. — Бу ўз натижасини бераётир. Арманистоннинг Ереван шаҳрида ўтказилган эркин кураш бўйича заиф эшитувчи ёшлар ўртасидаги биринчи халқаро турнирда мактабимиз тарбияланувчиси Дониёр Яҳёев кумуш медални қўлга киритган бўлса, Ақром Ўзбеков бронза медал билан тақдирланди.

Мактабдаги мураббийларнинг аксарияти олий маълумотли мутахассислардир. Темур Нуруллаев, Мурод Дўсимбетов, Усмон Махаматов, Ирина Пан, Наргиза Бафоева сингари тажрибали мураббийлардан спорт сирларини ўрнаётган ёшлар мусобақаларда юқори натижаларга эришмоқда. Мактаб тарбияланувчилари орасидан спортнинг эркин кураш тури бўйича Азиза Мустақова, Зухра Отамуродова, Дилноза Мўминова, таэквондо (WTF) бўйича Влада Пан, Адел Устименко каби мамлакат миқёсидаги мусобақаларнинг голиб ва совриндорлари етишиб чиқмоқда.

— Спорт инсоннинг иродасини тоблайти, характери тарбиялайди, ўз олдига юксак мақсадларни қўйиб, унга эришиш йўлида барча қийинчилик ва машаққатларни енгишга ўргатади, — дейди таэквондо (WTF) бўйича Ўзбекистон чемпиони Влада Пан. — Биз, ёшларнинг спорт билан шуғулланишимиз, ўз иқтидоримизни намоён этишимиз учун кенг имкониятлар яратилгани бизни янгидан янги ғалабаларга руҳлантиради.

Нурилло НАСРИЕВ,
ЎЗА мухбири

ЖАСОРАТ ВА МАРДЛИК МАДҲИЯСИ

**(Давоми, бошланиши
1-саҳифада)**

Мамлакатимизда ёш авлодни мард ва жасур, мустаҳкам иродали, Ватанга садоқатли, ўз ҳаётида қилишга қодир ўғлонлар этиб тарбиялаш — Президентимиз Ислом Каримов раҳнамолигида миллий армиямиз қудрати ва салоҳиятини ошириш йўлида олиб борилаётган улкан ислохотлар жараёнида алоҳида аҳамият касб этмоқда.

Пойтахтимиз ҳуснига ярашиб тушган ушбу мажмуа бугун ҳарбий хизматни ўзи учун нафақат конституциявий бурч, балки садоқат ва матонат мактаби, том маънодаги шарафли вазифа, деб билган ҳар бир ўғлон учун ибрат масканидир. Миллий армиямиз сафларида хизмат қилишни дилига тугиб, ҳарбийлик либосини кийган йигитлар, олий ҳарбий таълим муассасаларига ўқишга қабул қилинган курсантлар ушбу Монумент пойида эл-юртимиз тинчлиги ва осойишталигининг посбони бўлишга аҳд қилмоқда.

Президентимиз Ислом Каримов раҳнамолигида юксак талаб ва стандартларга жавоб берадиган, тезкор ва ҳаракатчан, ташкилий жиҳатдан мукамал, замонавий қурол-яроғ ва техника билан таъминланган миллий армиямизни барпо этиш йўлида кенг кўламли ислохотлар амалга оширилди. Бунинг самарасида армиямиз нафақат сарҳадларимиз дахлсизлиги ва халқимиз осойишталигининг ишончли ҳимоячиси, балки ёшларда чинакам ирода ва характерни тоблайдиган, жисмоний чиқиш ва юксак инсоний фазилатлар уйғун шаклландирган ўзига хос мактабга айланди. Қуролли Кучларимиз сафида хизмат

қилган йигитлар жисмонан соғлом ва бақувват, юксак интеллектуал салоҳиятга эга бўлиб етишмоқда. Ёшларимиз орасида армияда хизмат қилишга қизиқиш ва интилиш кучайиб бораётди.

Муддатли ҳарбий хизматга чақириш бир йилда бир марта ташкил этилаётгани, сержантлар таркибининг сезиларли даражада кенгайгани, сафарбарлик чақируви резерви хизматининг жорий этилгани миллий армиямиз қиёфаси ва мазмун-моҳиятини тубдан ўзгартирди, жанговар тайёргарлигини юксалтирди. Айни пайтда йигитлик бурчини ўтаётган ҳарбий хизматчиларнинг яшаш шариитини замон талаблари даражасига кўтариш, уларнинг ижтимоий муҳофазасини мустаҳкамлаш масалаларига давлатимиз томонидан улкан эътибор қаратилмоқда. Ҳарбий хизматчиларни уй-жой билан таъминлаш, уларга малакали тиббий хизмат кўрсатишнинг самарали тизими шаклланди. Буларнинг барчаси Президентимиз Ислом Каримов раҳнамолигида ташкил этилган Қуролли Кучларимиз мамлакатимиздаги тинчлик-осойишталик барқарорлигининг мустаҳкам қафолатига айланганидан далолатдир.

Бош Қомусимизда белгиланганидек, Ватанимизни ҳимоя қилиш — Ўзбекистон Республикаси ҳар бир фуқаросининг бурчидир. Давлатимиз раҳбари ғояси ва ташаббуси билан 2010 йили пойтахтимизда Қуролли Кучларимиз шарафига бунёд этилган «Ватанга қасамёд» монументи шу муқаддас бурчни сидқидилдан ўташга қодир йигитларни вояга етказишда бетақдор аҳамият касб этмоқда.

Ўзининг чуқур маъно-мазмунли, тирак ҳаётини фалсафаси билан ажралаб турадиган ушбу мажмуада азамат

ўғлон давлатимиз байроғини кўзига тўтиё қилиб, Ватан ҳимояси учун тайёрман, деб тиз чўкиб қасамёд қилаётгани ифода этилган. Унинг елкаси узра ана шу мард ва жасур ўғлонга оқ сўт берган, бағрида кўтариб вояга етказган, Ватан тимсоли — мунис ва мўътабар Она ҳарбий хизматга отланган азиз фарзандига фотиҳа бериб, оқ йўл тиламоқда.

Бу муаззам мажмуага Президентимиз ташаббуси билан «Ватанга қасамёд» деб ном берилиши бежиз эмас. Зеро, халқимиз учун ҳарбий қасамёд — бу шунчаки расмий тадбир эмас, балки йигитлик шаъни, ору номусини ўртага қўйиб, ўз зиммасидаги масъулиятли ва шарафли бурчини адо этишга бел боғлаб, аҳду паймон қилиш маросимидир.

Ҳар йили минг-минглаб алпкелбат ўғлонларимиз муддатли ҳарбий хизматга киришар экан, эл-юрт ҳимояси йўлида фидойи бўлиш ва уни кўз қорачигидек асрашга қасамёд қиладилар. Бу уларнинг она юртимизга, Президентимизга, халқимизга қилган лафзидир. Лафзи ҳалоллик — халқимизда эр йигитнинг шаъни, орият ва номуси ҳисобланади.

«Ватанга қасамёд» монументи пойидан йил бўйи гулчамбарлар аримайди. Айниқса, шу кунларда байрам муносабати билан бу ерга ташриф буюрувчилар сафи янада кўпайган. Муддатли ҳарбий хизматни ўтаётган аскарлар, олий ҳарбий билим юртлари курсантлари, юртдошларимиз ва хорижлик меҳмонлар бу мухташам Монументни зиёрат қилар экан, унинг тимсолида жисмонан ва маънан етуқ, эл-юртга садоқатли ва мард йигитларимизни кўргандек бўлади.

— Ўғлим Баҳромжон ушбу Мону-

мент пойида қасамёд қилган эди, — дейди Янгиариқ туманидан келган Назира Мирсобирова. — Ўтган вақт мобайнида у ҳарбий ҳаётга ўрганиб, ҳарбий хизматнинг йигит учун кучли тарбия мактаби эканини англаб етди. Бугун Монумент олдида командирларнинг ўғлими ҳақида айтган самимий фикрларини эшитиб, кўксим тоғдек кўтарилди. Насиб қилса, Баҳромжон муддатли ҳарбий хизматни аъло даражада ўтаб, келажақда юртимиз ривожига муносиб ҳисса қўшади. Биз, ота-оналар бугунги тинч ва фаровон ҳаётимизга кўз тегмасин, эзгу ишларнинг бошида турган Президентимиз доимо соғ-омон бўлсинлар, дея дуо қилишдан чарчамаймиз.

— Дўстларим билан ҳар гал бу ерни зиёрат қилишга келганимизда, халқимизнинг ишончи бизга ҳамшиша мадакор бўлишини чин дилдан ҳис этамиз, — дейди Тошкент олий умумкўшин кўмондонлик билим юрти курсанти Ҳаётбек Икромов. — Айниқса, давлатимиз байроғини кўзига суртиб турган аскар сиймосини кўрганларимизда вужудимни ўзгача ҳаяжон чулғаб олади. Бу ҳайкал менга доим ўз аҳдимни, унга содиқ туриш масъулиятини эслатади, эл-юртимизга муносиб бўлишга ундайди.

Ҳа, Ҳаётбек каби миллий армиямизнинг мустаҳкам таянчлари, катта жасорат соҳиблари — ҳарбийларимиз бор экан, Ватанимиз тинч-осойишта, осмонимиз мусаффо. «Ватанга қасамёд» мажмуаси эл-юртимиз ор-номуси ва ғурурини асраш ва юксалтиришни мақсад қилган юртдошларимиз учун жасорат ва мардлик мадҳиясидир.

**Матназар ЭЛМУРОДОВ,
ЎЗА шарҳловчиси**

2015-yil — Keksalarni e'zozlash yili

ИНСОН ТАРҚТИ

Одамлар яхши кунда ҳам, ёмон кунда ҳам бир-бирининг ёрдаму маслаҳатига, тез-тез дийдор кўришиб, дилдош, кўмакдош бўлиб туришга муҳтождир. Балиқнинг тириклиги сув билан бўлгани каби одамнинг тириклиги одам билан. Халқимизда бу тўғрида жуда пурмаъно мақоллар борки, ҳар бири ҳаётнинг ва сермазмун. Халқнинг топқирлигига қойил қоласан, киши: «Балиқнинг куни кўл билан, йигитнинг куни эл билан», «Одамзотнинг саккизда тиши тушар, саксониди бир-бирига иши тушар»...

Юртимизда фуқароларнинг ижтимоий муҳофазаси борасида қилинаётган ишлар миллий менталитетимизга, анъаналаримизга жуда мос. Ногиронлар, кексалар ҳолидан хабар олиш, кўнгил сўраш азиз қадриятларимиздан бири. Юртбошимизнинг янги 2015 йилни «Кексаларни эъзозлаш йили» деб номлашида ана шу қадриятлар инноватга олинди, албатта.

Яқинда «Камолот» ёшлар ижтимоий ҳаракати Жиззах вилояти кенгаши раиси ҳамда фаоллар билан нуруний кексалар ҳолидан хабар олинди. Даставвал Жиззах туманидаги «Янги ҳаёт» маҳалласида истиқомат қилувчи 100 ёшли Умрзоқ ота хонадонини зиёрат қилинди. Умрзоқ ота рафиқаси билан 75 йилдан бери умргузаронлик қилар экан. Уларнинг етти нафар фарзанди, 37 нафар набираси ва 15 нафар эвараси бўлиб, ҳозир улар мамлакатимиз раҳбарлари йўлида турли соҳаларда меҳнат қилмоқда. Умрзоқ отага мамлакатимиз Конституциясининг 22 йиллиги муносабати билан махсус табрикнома ва эсдалик совғалар тақдим қилинди.

Шундан сўнг Ҳаракат фаоллари Жиззах туманидаги «Кўёв боши» маҳалласида истиқомат қилувчи Дилмурод ота хонадониди ҳам бўлишди. Ҳали бардамбақувват бобо уни йўқлаб келганларга

катта миннатдорлик билдирди.

«Камолот»чилар ёшларнинг ҳам кайфиятини кўтариш мақсадида Ҳаракатнинг Зарбдор тумани кенгаши ташаббуси билан тумандаги 1-заиф эшитувчилар махсус мактаб-интернатиди ҳам бўлди. Бу ерда байрам дастури ташкил этилди. Муносиқ дастурлар, саҳна кўринишлари болажонлар дилини хушнуд қилди.

Шунингдек, Зомин тумани кенгаши аъзолари ҳам ижтимоий кўмакка муҳтож болалар ҳолидан хабар олаётгани эътирофга лойиқ. Тумандаги «Каттабоғ» маҳалла фуқаролар йиғини худудида истиқомат қилувчи Диёрабону Убайдуллаева, Азизжон Ҳамдамов ҳамда Шароф Рашидов маҳалла фуқаролар йиғини худудида яшовчи Пирмуҳаммадjon Тошпўлатов ҳолидан хабар олиниб, уларга совғалар берилди, ширинликлар улашилди.

Мамлакатимизда амалга оширилаётган кучли ижтимоий сиёсатнинг самараси сифатида юзага чиқиб, элнинг дуосига сазовор бўлаётган «Камолот»чилар хайрли тадбирларда бундан кейин ҳам ҳамшиша камарбаста бўлаверади.

**Шоди ОТАМУРОД,
«Turkiston» мухбири**

Ta'limda AKT



Рустам Назарматов олган сурат

Янги электрон қўлланма

Мирзо Улуғбек номидаги Ўзбекистон Миллий университетида кадрларни мақсадли тайёрлаш, талабаларнинг ахлоқий-эстетик маданиятини янада юксалтириш, таълим жараёнига замонавий педагогик технологияларни жорий қилиш мақсадида этика ва эстетика фанларидан яратилган электрон ўқув қўлланмаларнинг тақдироти бўлиб ўтди.

Тадбирда олий таълим муассасалари профессор-ўқитувчилари, оммавий ахборот воситалари вакиллари ва талабалар иштирок этди.

— Мазкур электрон ўқув адабиётлари этика ва эстетика фанларини ўқитиш самарадорлигини ошириш, фан мавзуларининг таъсирчанлигини

юксалтиришга хизмат қиладилар, — дейди фалсафа фанлари номзоди, доцент Дилбар Қодирова. — Аниқ фанлар билан ижтимоий фанлар ўртасидаги корпоратив ҳамкорлик асосида яратилган бу ишланма барча олий таълим муассасалари учун мўлжалланган. Электрон китоб талабаларга ўтила-

ётган мавзунинг моҳиятини тўлиқ англаб етиш имконини беради.

Янги электрон қўлланмаларда этика ва эстетика фанларига тегишли барча маълумотлар — маъруза матнлари, тақдимот материаллари, такорролаш учун саволлар, мустақил таълим мавзулари, адабиётлар рўйхати ва ўтилган мавзулар юзасидан тест саволлари яна бир эътиборли жиҳати — у ҳар бир мавзуга мос расм, кўргазмалар воситалари ва мусиқа билан бойитилган.

**Назokat
ҚУРБОННIEЗОВА,
«Turkiston» мухбири**

Vatan — ulugʻ, burchim — muqaddas!

Юрмга қалқон бўлиш бахти

Сержант Исмоил Исмоилов мустақиллигимизнинг 23 йиллик тантаналари арафасида давлатимизнинг юксак мукофоти — «Шуҳрат» медали билан тақдирланди. У 1982 йилнинг 9 май куни Наманган вилояти Чортоқ туманининг Пешқўрғон қишлоғида таваллуд топган. Болалигидан ҳарбий бўлиш орзу қилган Исмоил улғайиб, албатта, шу соҳанинг сир-асрорларини пухта эгаллашга, Ватан ҳимояси йўлида собитқадам бўлишга қатъий ишонарди. Ана шу ишонч, қатъият ва интилиш уни юксак манзиллар сари етаклади. Йўқса, бундан 13 йил муқаддам муддатли ҳарбий хизматни ўтай бошлаган аскарнинг орадан йиллар ўтиб юксак эътирофларга сазовор бўлишини ким ўйлабди, дейсиз?!

«Шунқорлар» мусобақаси бошланиб, ҳарбийликка ҳавасманд бўлиб улғаяётган Исмоилнинг ҳаловати йўқолди. Ўзининг елиб-югургани, жисмоний машғулотларни қанда қилмагани камдек синфдошларини ҳам ҳол-жонига қўймасди:

— Биз чинакам ҳарбий ҳаётга яқинлашяпмиз. Бўшашишга ҳақимиз йўқ. Орзулар бор экан, у албатта, амалга ошади.

Ўша йили «Шунқорлар» мусобақасида 25-мактаб ўқувчилари тумандаги 32та жамоа орасида 2-ўринни эгаллади. Ўшанда Исмоил илк бор ҳарбий кийим кийганди. Кўп ўтмай ўқувчилик йиллари ортада қолиб, муддатли ҳарбий хизмат бошланди.

Кейин эса неча йиллик орзулари ушалиб, десантчилар сафида парашют билан сакрайдиган бўлди. У ҳаяжондан ўзини аранг тутиб турарди. Гоҳ тоғларга чиқиб ҳайқиргиси келса, гоҳ ҳамиша далда бериб, умидлантириб келган, ғайратига ғайрат қўшган отасини кучоқлаб гир айлангиси, қайта-қайта раҳмат айтгиси келарди — у бугун биринчи маротаба парашаюти билан сакрайди.

— Ўшанда мен ҳадик ва хавотир ичиди ҳеч нарсани сезмагандим, — дейди сержант Исмоил Исмоилов. — Мана, орадан йиллар ўтиб, унинг саноғи 1700дан ошди. Ҳар гал яна парашютни қўлимга оларканман, ўша ташиш ҳаяжонни ҳис қиламан. У подполковник Фарҳод

эгган кўйи жим тураверди. Исмоилжон ундан қайта сўради:

— Мактабни тамомласанг қайси соҳани танламоқчисан? Ўқувчи индамади. Гапга муаллим аралашди:

— Бу ўзи индамас. Мавзунини сўрасангиз яхши жавоб беради. Бошқа бирор нарса ҳақида лом-мим демайди.

Исмоил Анварни қийнаб ўтирмади. Учрашув тугаганидан кейин ёнига чақириб, кўнглини топишга ҳаракат қилди.

— Мени уйда сендан ҳеч нарса чиқмайди, деб кўп койишади. Шунга ҳамма нарсадан кўнглим совиб, ҳафсалам пир бўлган. Ўқиганимдан нима фойда, ахир, барибир, катта ўқишга юборишмайди, — деди у йиғламоқдан бери бўлиб.

— Укам, сиқилма, муҳими, ишонч, қатъият ва мақсадлар йўлида собитқадамлик керак. Бошланғич синфда ўқиб юрган кезларим ҳарбий бўлмоқчи эканимни айтганимда, дадам мени ишхонасига олиб борганди. У ерда ҳарбий кийимлар, Низомлар бор экан. Имкон борича мени ҳарбий ҳаёт билан таништирганди. Кейин «ўғлим, бу қароринг мени жуда ҳам хурсанд қилди. Оиламизда шу пайтгача ҳарбий хизматчи чиқмаганди. Сен бундан сира тушкунликка тушма. Тўла ишонган ҳаёлларинг ҳақиқатга айланади. Ҳали улғайиб, ўзинг ўйлаганингдан ҳам катта-катта ютуқларга эришасан. Фақат ўз-ўзингга ишона олсанг, бас» деганди. Орадан йиллар ўтиб мен бу гапларнинг маъзини чакдим.

— Исмоил ака, мен орзуларим ҳақида айтишга ҳам кўрқаман.

— Мен ҳам мана шу мактабда ўқиганман. Ёшлигимдан спортга қизиқардим. Кўпинча юқори синф ўқувчиларининг жисмоний тарбия дарсларига кирардик. Улар биздан кўра хийла мураккаб машқларни бажарарди. Бошқалардан қолишмасликка тиришиб, машғулотларда астойдил қатнашардик.

Ўша кунги суҳбат Анваржоннинг сўнаётган умидла-

рини қайта уйғотди. У ҳам ҳарбий бўлмоқчилигини, турли танловларда қатнашмоқчи эканини айтди. Дарвоқе, ҳозир у муддатли ҳарбий хизматга кетишга тайёргарлик кўряпти.

ТУГИЛГАН КУН ТУХҒАСИ

Ҳар бир инсонни яна ҳам илдамроқ илгариллашга ундайдиган сабаблар бўлади. Сержант Исмоил Исмоилов ҳар йили туғилган кунини умри ва қилган ишларини яна бир бор сарҳисоб қилиб олар экан. Бунинг яна бир сабаби бор:

— Ҳар йили Хотира ва қадрлаш кунини туғилган кунимни нишонлар эканман, аждодларнинг бизга қилган мислсиз хизматларини кўз олдимга келтириб, ўзимизнинг келажак авлод олдидаги масъулиятимиз ҳақида ўйлайман. Башарият тарихи бир шажара бўлса, унинг бир ҳалқаси сиз билан мен. Унда зиммамизга юкланган вазифаларни сидқиқидилдан, тўлақонли адо этишимиз керак, — дейди у. — Қачонки, юрак «Ватан» деб урса, унинг соҳиби ҳар қандай машаққатли юмушнинг уддасидан чиқа олади. Ота-она, фарзанд биз учун нақадар улғу, қанчалар кадрли, улар учун тунларни тонларга улаймиз. Ватан ҳам худди шундай, мен Ватанни юракка ўхшатаман.

ВАҚТГА ҲУКМ ЎТКАЗИБ...

— Бир воқеа ҳеч эсимдан чиқмайди, — дейди сержант И.Исмоилов. — Навбатдаги спорт машғулотида қайтиб келсам, нимагадир маҳалла болалари кўринмайди. Ҳар доим қўлда копток билан мени кутиб турадиганларнинг йўқолиб қолиши ҳамиятимга теғди. Китобни қўлтиқлаб боққа чиқдим. Унда қаратэ усуллари расмлар билан кўрсатилган эди. Тенгдошларим бериб тур, дея ялиниб юрарди. Кенг жой тайёрлаб, суратга қараб машқ қила бошладим. Бир маҳал уларнинг ҳаммаси ҳаяжон билан сўзлаша-

сўзлаша келиб қолди.

— Ҳа, нима бўлди, намунача ваҳима? — дедим энсам қотиб.

— Кўлини кўрдингми, кўлини, чайир бўлиб кетибди.

— Қарашлари ҳам бошқача, анча жиддий бўлиб қолган.

— Армия улғайтиради-да, — дерди бошқаси худди катталардек.

Кейин билсам ўша кунни маҳалламиздаги Ақром ака ҳарбий хизматдан қайтган экан. Кечки пайт китобчамни қўлтиқлаб йўқлаб бордим. Кучоқ очиб, неча йиллик қадрдонлардек кутиб олди. Катталардек муомала қилгани менга ёқиб тушди. Нимагадир ўзимни жиддий тута бошладим. Шунча ишонч билдириптими, демак улғайиб қолганимни сезмай қолгандирман, деб ўйлардим.

Шундан кейин то ҳарбий хизматгача Ақром ака устозлик қилди. Тонг саҳар туриб югуришга чиқамиз. Мактабнинг стадионини турли машқлар бажарамиз. Аввалига қанча йигитлар «аскар ака»сига ўхшаб жисмоний машғулотларни бажаришга уриниб, қийналиб юрди. Орадан бир йил ўтар-ўтмас ҳаракатларимиз самара берди. Энди деярли барча машқларни «аскар ака»дек бажара олардик, узоқ масофага югурсак ҳам ҳаллослаб қолмасдик. Ана ўша машғулотлар кейинчалик менинг касбим — тақдиримга айланган ҳарбий хизмат давомида асқотиб келмоқда.

МУҚАДДАС КЎРҒОН МАДАДИ

Турмуш ўртоғи Наргиза-хон Наманган давлат педагогика институтида ўқиган. Тарих фани ўқитувчиси. «Оиламиздаги суҳбатлар кўпинча ўз-ўзидан тарихга бориб тақалаверади», дейди Исмоил. Тасаввур қиламан, агар шундай бўлса, бу жуда ҳам ажойиб. Демак, бу хонадонда воёга етаётган Шодия ва Амирхон ҳам отаси каби элнинг ҳурматини қозонадиган инсонлар бўлиб камолга етади.

Азиз НОРҚУЛОВ

Yuksalish

Иқтисодийётнинг юрағи

Банк тармоғи мамлакатимиз иқтисодиётининг юрағи ҳисобланади. Банклар капитали ва мижозлардан жалб қилинаётган депозитлар ҳажмининг ўсиши иқтисодиётни модернизация қилиш, юқори самарали инвестиция лойиҳаларини амалга ошириш, истеъмол маҳсулотларини ишлаб чиқаришни кенгайтириш, хусусий тадбиркорлик ва кичик бизнесни молиявий қўллаб-қувватлашга имкон бермоқда.

Бозор иқтисодиёти шароитида банк фаолиятида замон талабларига мос янги хизмат турларини татиқ этиш, мижозларнинг талаб ва тақлифларини инобат-

га олиш, уларга хизмат кўрсатишининг янги тур ва усуллари жорий этиш бирламчи вазифа ҳисобланади.

Банк тизимининг такомиллашиши

ушбу соҳада фаолият кўрсатаётган мутахассислар малакасига боғлиқ, албатта. Бу эса иқтисодиёт йўналишидаги олий таълим муассасаларида банк соҳасига оид фанларни чуқур ўқитишни тақозо этади. Бунда банклар фаолиятини микро ва макро даражада бошқариш, банклар ўртасида рақобат муҳитини яратиш, банк маҳсулотлари ва хизматларини реализация қилиш каби масалаларга асосий эътибор қаратилиши лозим. Банк соҳасида замонавий ахборот технологияларининг кенг қўлланилаётганини ҳисобга олган ҳолда талабалар компьютердан фойдаланиб, ти-

жорат банклари фаолиятини ташкил қилиш ва бошқариш, кредит бериш, шунингдек, банк маҳсулотлари ва хизматлари бозорини ўрганиш билан боғлиқ компьютер дастурларини мукамал билиши зарур.

Таъкидлаш жоиз, бугунги кунда мамлакатимизда тадбиркорлар учун давлат статистик ҳисоботларини электрон кўринишда тақдим этиш имконияти яратилган. Янги тартибнинг кўп афзал жиҳатлари бор. Зеро, илгари микрофирмалар йилига тўрт марта ҳисобот топширган бўлса, энди атиги бир марта, фермер хўжаликлари эса илгаригидек беш марта эмас, уч бора ҳисобот топширилари керак.

Ёдгора ИЛҲОМОВА,
Тошкент молия институти доценти.
Дилрабо МАЛИКОВА,
талаба

E'tibor

Болалар неврологияси янги тараққиёт босқичида

Фарзанд — оила қувончи, ота-она таянчи. Унинг соғлом, билимли бўлиб улғайиши жамият ва давлат равнақи учун хизмат қилади.

Истиқлол йилларида юртимизда соғлиқни сақлаш тизими тубдан ислоҳ қилиниб, дунёда ўхшаши йўқ дея эътироф этилган она ва бола саломатлигини муҳофаза қилишнинг миллий модели яратилди. Соғлиқни сақлаш тизимининг бирламчи бўлини — қишлоқ врачлик пунктлари ҳамда оилавий поликлиникалар замонавий кўринишга келтирилиб, аҳоли, авваламбор, аёллар ва болаларнинг малакали тиббий хизматдан фойдаланиш имкониятлари кенгайди.

Ўтган йили соҳада олиб борилган бундай ислохотлар натижасида республикамиздаги 137та тиббиёт муассасасида 410 миллиард сўмлик қурилиш, реконструкция ва жиҳозлаш ишлари амалга оширилди. Шунингдек, кредит ва гранд маблағлари ҳисобидан соғлиқни сақлаш масканлари замонавий даволаш асбоб-ускуналари билан таъминланди.

Соғлиқни сақлаш тизимини такомиллаштиришда илм-фан ютуқларидан амалда кенг фойдаланишга алоҳида эътибор қаратилаётир. Бу касалликларни ўз вақтида аниқлаш, олдини олиш ва даволашнинг илгор усуллари татбиқ этишга хизмат қилмоқда. Хусусан, Тошкент педиатрия-тиббиёт институти неврология бўлимида даволашда замонавий тиббий технологиялардан самарали фойдаланиляпти. Беморга дорини интерсаксал усулда юбориш, тутқаноқ касаллигини даволашнинг янги усуллари бунга мисол бўла олади.

— Болалар неврологияси бўлимида бош ва орқа мианинг яллиғланиш касалликлари ва уларнинг асоратлари, туғруқ жараёнида олинган жароҳатлар асоратлари, периферик асаб тизими касалликлари, симптоматик эпилепсия, бош мияда қон айланишининг ўткир бузилишига учраган беморлар даволаниб келинмоқда, — дейди бўлим мудир Алие Халилова. — Невролог олимларимиз олиб бораётган илмий тадқиқотлар, жумладан, орқа мия касалликларига ташхис қўйишнинг янги мезонлари ва менингоэнцефалит асоратлари, яъни мия пардаси ва унинг моддалари яллиғланишини даволашга доир излашлар халқаро илмий муассасалар томонидан юқори эътироф этилмоқда.

Болалар невропатологи Алие Халилова тиббиётда биринчи марта болалар спинал патологиясида орқа мианинг бузилган функциясини тиклаш мезонларини ишлаб чиқди. Бунинг натижасида болаларда ногиронлик ҳолатларининг камайишига эришилди. Моҳир шифокор Алие Халилова айни вақтда «Болаларда симптоматик тутқаноқнинг клиник нейрофизиологик ва биокимёвий хусусиятлари, уларни даволаш самардорлигини ошириш масалалари» мавзусидаги докторлик диссертацияси устида ишламоқда. Мазкур илмий иш тутқаноқ билан оғриган болаларда даволашнинг оптимал усулини топиш ва ушбу касалликни камайтиришга қаратилган. Тадқиқоти юзасидан олимпиа Австрия, Швеция давлатларида ўтказилган Бутунжаҳон неврологлар анжуманларида қатнашди, ҳамкасблари билан фикр алмашиш асносида янги даволаш усулини клиника амалиётига татбиқ этиб келмоқда.


— Бугун шуни чексиз фахр ва ифтихор билан айтиш мумкинки, мустақиллик йилларида мамлакатимизда тиббий хизмат кўрсатиш тизими амалда тўлиқ қайта қўриб чиқилгани соҳада ҳавас қилса арзиғулик ютуқларга эришишимизни таъминлади, — дейди А.Халилова. — Ўтган давр мобайнида Ўзбекистонда оналар ўлими 3,1 баробарга, гўдаклар ўлими 3,2 баробарга камайгани соғлиқни сақлаш тизимидаги ислохотлар самарасининг ёрқин исботидир.

Йигирма тўрт йиллик меҳнат фаолияти давомида қаҳрамонимиз ўз ишининг моҳир устаси, етук мутахассис даражасига эришди. Беморлар ва ҳамкасблари орасида катта ҳурматга сазовор бўлди. Бугун унинг кўплаб шогирдлари мамлакатимиз соғлиқни сақлаш тизимида фаолият юритиб келмоқда. Болалар неврологияси ривожига хизматлари учун Алие Халилова 2014 йилда «Ўзбекистон Республикаси соғлиқни сақлаш аълочиси» кўкрак нишони билан тақдирланди.

Абдулла ЖОВЛИЕВ

Osiyo kubogi — 2015

Футбол мухлислари интиқ кутган дамлар етиб келди. Кеча Австралияда қитъамизнинг кучли ўн олти терма жамоасини жамлаган Осиё кубоги баҳсларига старт берилди. 9 — 31 январь кунлари бўлиб ўтадиган ушбу мусобақада жамоалар тўрт гуруҳга бўлинган ҳолда ғолиблик учун кураш олиб боради.



ЯШИЛ ҚИТЪАНИНГ МАЙДОНЛАРИДА

Кеча мусобақанинг очилиш учрашувида Австралия терма жамоаси Кувейт вакиллари билан куч синашди ва унда мезонлар 4:1 ҳисобида ғалабага эришди. Эътиборлиси, ушбу ўйинни ҳамюртимиз, Осиёнинг беш карра энг яхши

ҳаками дея эътироф этилган Равшан Эрматов бошчилигидаги ҳакамлар бригадаси бошқариб борди. Юртошимиз ўз фаолиятида учинчи бор йирик футбол мусобақаларининг очилиш ўйинини бошқарди. Бунгача Равшан Эрматов

2010 йили ЖАР мезонлик қилган жаҳон чемпионати ҳамда 2012 йилда Лондон Олимпиадаси очилиш ўйинларини бошқарган эди.

Бугун, Тошкент вақти билан 12:00да Ўзбекистон миллий терма жамоаси Корея Халқ

Демократик Республикаси термасига қарши майдонга чиқади. Уйинни ФИФА рефериси Наваф Шукрулла бошчилигидаги баҳраинлик ҳакамлар бошқаради.

Санжар ИСМАТОВ
«Turkiston» мухбири

Munosabat

Кўнгишларни асир этувчи сўз

«Turkiston» газетасининг 2014 йил 27 декабрь 104-сонидagi Аҳмаджон Мелибоевнинг «Сўздаги сеҳр» сарлавҳали мақоласини ўқиб, яқинда бўлиб ўтган воқеани эсладим.

«Кеп қолинг, оп қолинг, еганлар дармонда, емаганлар армонда!» — Шум боланинг бозордаги харидорлар учун беозор, самимий чорлови. У бу чорлов билан Бой отадан «хизмати» эвазига «ундирган» олмаларини ҳеч қийналмай сота олади.

Негадир харид қилиш учун бозорга тушсам, кўпинча сотувчиларнинг: «Келинг, сизга нима керак экан?» деган гапини эшитаман. Шунда Шум боланинг чорлови эсимга тушаверади. Аммо чорлов билан чорловнинг фарқи бўларкан.

Катта, гавжум бозор. Қатор дўконлар. Турли қиёфали, ҳар хил муомалали сотувчилар. Бироқ харидорлар учун аксарият чорловлар бир хил: «Келинг, сизга нима керак эди?». Бу сўзларга илк бор дуч келган одамнинг хаёлидан, ҳа, яхши, ёрдамлашяпти-да, деган фикр ўтади. Аммо керакли кийимнинг у ёқ-бу ёғини бемалол кўрмоқчи бўлсангиз ёки кийиб кўрсангиз бўлди. Сотувчи, олмасизми, ўраб берайми, деб ҳоли-жонингизга қўймайди. Илгичи билан тепада турган кийимларни ҳам кўрсатаверади. Маъқул келмай, олмасангиз, «Олмас экансиз, нега одамни овора қиласиз?» дея зарда қилишади.

Дўконларни айланарканман, бундай «сертакаллуф» сотувчиларга кўп дуч келдим. Юрагимни ҳовучлаб яна бир дўконга кирдим. Хижолатликнинг олдини олиш

мақсадида бу гал мен «Бемалол кўриб, кейин олмоқчиман майлими?» деб сўрадим. Сотувчи «бемалол» дейишга оғринди, шекилли, энсаси қотиб бошини зўрга қимирлатди, тескари қараб менадан узоқлашди.

Ўзимга ёққанини танладим. Ичимда «шуни оламан» дедим излаганим топилганидан суюниб:

— Ўраб берасизми?

...

— Қараворинг, — дедим яна.

Сотувчи мен томонга беписанд қаради.

— Ҳмм, ҳозир, — деди сақичини бемалол чайнаб. Шу маҳал телефони жириглаб қолди. Бемалол гаплашиб бўлгач, кўлимдагини силтаб олиб тез-тез ўраб, елим халтага солди.

Сотувчининг кўрс муомаласидан бояги хурсандлигимдан асар ҳам қолмади. У ўта замонавий кийинган бўлса-да, кўзимга жуда ночор, маданиятсиз кўринди.

Бозор катта, дўкон кўп бўлса. Харидор ҳар бир кирган дўконидан кийим харид қилавермайдик. Калтафаҳм, маданиятсиз сотувчилар дўкондан харид қилмай чиқсангиз, орақангиздан нафсониятингизга тегадиган гапларни айтиб қолади: «Олмасанг, нима қилсан вақтимни олиб, асабимга тегиб», «Пуллинг бўлмаса, дўконда пишириб қўйибдимми?», «Бизнинг дўконга дидинг ҳам, чўнтагинг ҳам тўғри келмас экан» каби. Аслида уларнинг мақсади сурбетлик

қилиб бўлса-да, молини «ўтказиш».

Бироқ сотувчиларнинг ҳаммаси ҳақида ҳам шундай дейишдан йироқмиз. «Бемалол кўраверинг», «Ёққанини танланг», «Хижолат бўлманг», дея ихтиёрингизга қўядиганлар муомаласидан кўнглингиз яйрайди. Ҳеч нарса харид қилмасангиз-да, «Раҳмат, келиб туринг» дея табассум билан кузатувчи дўкон ходимларининг муомаласидан кайфиятингиз кўтарилади. Улардан бошқалар ҳам ибрат олаша, яхши бўларди.

Саксон ёшдан ошган бувим бировга кўпол муомала қилган, бетгачопар кимсани кўрса, «Бугдой нонинг бўлмаса ҳам бугдой сўзинг бўлсин», деган иборани кўп ишлатарди. Ўткир фаросатли ота-болаларимиз суҳбатлашиш одоби, муомала маданиятига алоҳида эътибор берган. Бу борада фарзанд тарбиясига нозик масала сифатида қаралган. «Яхши гап билан илон инидан, пичоқ қинидан чиқар», «Яхши сўз жон озиғи, ёмон сўз бош қозиғи» сингари мақоллар ҳам айнан ҳаёт сабоқларидан келиб чиққан. Ширин каломли, хушмуомала инсон ҳар қандай кишининг кўнглига йўл топа олади.

Алишер Навоий айтадилар:

*Ҳар кимки, чучук сўз
элга изҳор айлар,
Ҳар нечаки, агёрдурур,
ёр айлар.*

Сўз қаттиғи эл кўнглига

озор айлар,

Юмшоғи кўнгуларни

гирифтор айлар.

Демак, ширин сўз душманни ҳам дўста айлантириши мумкин. Қаттиқ сўз кўнгиларга озор етказида, юмшоғи дилларни асир этади.

Атрофдагиларга меҳр улашиш, ширин сўз айтмоқ завқидан бебаҳра қолмайлик. Зеро, кейинчалик, вақтлар ўтгач, кўнглимиз ғашланиб, кўзимиз ёшланмасин.

Майсара НАЗАРОВА



БИЛИМЛИЛАР САРАЛАНМОҚДА

Қорақалпоғистон Республикаси Нукус шаҳридаги 11-умумтаълим мактабида “Билимлар беллашуви”нинг биринчи босқичи ўтказилди.

Унда мактабнинг 407 нафар ўқувчиси иштирок этиб, 14 фан бўйича ўз билимини синовдан ўтказди. Энг кўп балл тўплаган иқтидорли ёшлар кейинги босқичга йўлланма олди.

ЎЗА фотомухбири Мақсад ҲАБИБУЛЛАЕВ олган сурат.

Хазина

Алишер Навоий

ФАРДЛАР

*Мурувват барга бермакдур, емак йўғ,
Футувват барга қилмакдур, демак йўғ.

*Эли хор айлаган тамағ, билгил,
Тоғмо аzza ман қанағ билгил.

*Қўнғулга фрутур ўрмайин, роз оғилмас,
Садаф гар бутун бўлса, гавҳар соғилмас.

*Аблағ ани билки, оламидин бақо қилгай тамағ,
Ағилқ уқил, олам ағилқидин вағро қилгай тамағ.

*Қилиш айбун юзга қилма иззор,
Маамилул айла ўз айбинга зинзор.

*Агарли шик дардидин манга роз минг уқубатдур,
Вале ҳалидарсизмиг андин ортуғроқ суубатдур.*

Bilib qo'ygan yaxshi



Кабиса йили

Ер қурагининг Қуёш атрофида бир марта тўлиқ айланиб чиқишига кетадиган вақт бир шамсвий йил дейилади. Биз, одамда, буни оддий йил, бир йил деймиз. Бир шамсвий йил 365 суткаю 5 соат 49 дақиқадан иборат.

Шунинг учун бизнинг бир йилимиз одатда 365 сутка — кеча-кундуздан иборат. Бунда шамсвий йилдаги (аниқроғи, 5 соату 49 дақиқа) ҳисобга олинмай қолади. Тўрт йилда ҳисобга олинмаган бу 6 соат 6 х 4=24 соат, яъни бир суткани ташкил қилади. Шунинг учун ҳар уч оддий йилдан кейин битта кабиса йили келади. Кабиса йилида февраль ойи 28 кун эмас, 29 кун бўлади.

Қайси йиллар кабиса йили бўлишини аниқлаш осон. Бунинг учун йил рақамини 4га бўлиш kifoya. Агар йил рақами 4га қолдиқсиз бўлинса, бу йил кабиса йили, яъни февраль ойи 29 кунли йил бўлади. Ма-

салан, 1997:4=499 ва 1 қолдиқ. Демак, 1997 йил кабиса йили эмас. 1996 йил кабиса йили, чунки 1996:4=499 (қолдиқсиз). Шунингдек, 1992, 1988, 1984, 1980 йиллар ҳам, 2004, 2008 йиллар ҳам кабиса йилларидир.

Лекин бунда шамсвий йилга ҳар йили 11 дақиқа қўшилади, чунки биз 5 соату 49 дақиқани 6 соат деб қабул қилдик. Юз йилда бу орттирилган 11 дақиқа 11х100=1100 дақиқани ёки қарийб бир суткани ташкил этади. Буни ҳисобга олиш учун охириги икки рақами 00 бўлган (чунончи, 1700, 1800, 1900, 2000, 2100) йиллар тўртга қолдиқсиз бўлинса ҳам, кабиса йили саналмайди.

Шафаккур қилмондан бир қатъа

Бу оламда яхшилар ила дўстлашишни ҳамма ҳам хуш кўради. Агар зўр бўлсанг, ёмонларни ҳам дўстга айлантира бил.

Баҳоуддин Нақшбанд

ХАЙРИЯ ТАДБИРЛАРИ ДАВОМ ЭТМОҚДА

«Камолот» ёшлар ижтимоий ҳаракатининг Хоразм вилояти кенгаши Хива туманидаги 20-меҳрибонлик уйида хайрия акциясини ўтказди.



Лойиҳа доирасида меҳрибонлик уйи ҳамда мактаб-интернатлар тарбияланувчилари, шунингдек, маҳаллалардаги кам таъминланган оила фарзандлари учун маданий дастур ташкил этилиб, совғалар улашилди. Болажонлар ҳузурида давлат мукофотларига сазовор бўлган, турли соҳаларда муваффақиятларга эришган бир гуруҳ

фаол, иқтидорли ёшлар меҳмон бўлди. Эстрада хонандалари иштирокида концерт намойиш этилди.

«Камолот» ёшлар ижтимоий ҳаракати бундай хайрия тадбирларини ёлғиз қариялар учун ҳам ташкил этиб келмоқда.

Иброҳим ЎРИНОВ



«Шижоатли, мард киши эди... Назмий истеъдоди бор эди. Девои ҳам тартиб қилиб эди. Туркий тилда ёзарди. Баъзи байтлари ёмон эмас. Лекин мирзонинг девони бутунлай бир вазнадир...».

Заҳириддин Муҳаммад Бобур мазкур сўзлар билан қайси ўзбек шоирини таърифламоқда?

Жавобингизни

13 январь соат 16:00га қадар 233-79-69, 233-95-97 рақамлари орқали билдиришингиз мумкин. Тўғри жавоб йўллаган мухлислар номи газетамизда эълон қилинади. Саволларга энг кўп тўғри жавоб топган муштарийлар йил якунида қимматбаҳо совғалар билан тақдирланади.

Ўтган сондаги саволнинг жавоби:

Оёқ, қўл, кўз, қулоқ.

Чилонзор туманидаги 195-мактаб ўқувчиси Муҳаммаджон Мирзааҳмедов тўғри жавоб йўллади.